

Cijena 2,00 KM

INFORMATIVNI ČASOPIS

Senzor

Broj 81

Novembar/Studen 2011.

JAJAČKI MALIŠANI BEZ KVALITETNE MEDICINSKE USLUGE

senzor.oc@gmail.com

 Jajceinfo.com



**U TOKU DEMINIRANJE
TERENA NASELJA
PIJAVICE U JAJCU** str. 4.



**DJECA PJEVAJU HITOVE
U BUGOJNU - AID
NAJBOLJI** str. 9.



**DONJI VAKUF IMA
PRVOLIGAŠA** str. 24.

SIGURNIM KORACIMA KA SUZBIJANJU SIROMAŠTVA

„Sigurnim koracima ka suzbijanju siromaštva“ naziv je projekta koji zajedno realizuju Jajački Merhamet i Centar za socijalni rad, dok su donatori Fondacija za socijalno uključivanje u BiH sa 31.872,00 KM i općina Jajce sa 20.000,00 KM. Cilj projekta je pomoć socijalno ugroženim kategorijama stanovništva sa posebnim fokusom na stari i iznemogla, bespomoćna lica, bolesne i invalide. Projekat Javne kuhinje već duži niz godina egzistira na gradskom području, međutim mještani iz ruralne zajednice nisu bili u mogućnosti koristiti ove usluge.

Zahvaljujući projektu topli obrok će se četiri puta dijeliti u ruralnom području

Projektom će se topli obrok 6 puta sedmično dijeliti u gradskom području i 4 puta sedmično u ruralnom području, dok je od istih sredstava nabavljen automobil za dostavu hrane i posude koje zadržavaju toplotu, tako da će u narednom periodu biti puno lakše nastaviti sa pomenutim aktivnostima, jer će se izdvajati dosta manje finansijskih sredstava. Tim povodom, direktorica Fondacije za socijalno uključiva-



nje Ranka Ninković Papić, finansijski menadžer Zvezdana Filipović i PR FSU u BiH Naida Kundurović, posjetile su korisnike zajedno sa predstavnicima Merhameta i Centra za socijalni rad Jajce. Izraženo je zadovoljstvo ali i velika zahvalnost od strane korisnika, kojima ovaj topli obrok ima neizmjeran značaj. Glavni cilj Fondacije za socijalno uključivanje u BiH (FSU u BiH) je reduciranje efekata ekonomske krize i osnaživanje socijalnog uključivanja najugroženijih grupa u društvu, kroz strateške intervencije koje su fokusirane na dugoročno i održivo osnaživanje uloge NVO-a u razrješavanju posljedica ekonomske krize i glavnih socijalnih problema u BiH. FSU u BiH poboljšava kapacitete i ulogu nevladinog sektora u smanjenju siromaštva i jačanju socijalnog uključivanja. Na taj način doprinosi se prevenciji mogućeg socijalnog isključivanja i siromaštva.

Prema planu aktivnosti Fondacija za socijalno uključivanje u Bosni i Hercegovini će u periodu 2010 - 2013 u tri ciklusa finansijski podržavati projekte nevladinih organizacija implementirane u par-

terstvu sa javnim institucijama. Prvi korak ka aktivnoj participaciji NVO-a u implementaciju Strategije socijalnog uključivanja, Fondacija za socijalno uključivanje u Bosni i Hercegovini napravila je 2010. godine kroz finansijsku podršku za 21 projekat nevladinih organizacija i 2011. kroz finansijsku podršku za 18 NVO-a, odnosno 39 NVO-a kroz dva ciklusa. Za prvu i drugu godinu od FSU u BiH bi se trebalo izdvojiti 1.540.798,89 KM, iz domaćih izvora 946.038,83 KM, što ukupno iznosi 2.486.837,72 KM. Ukupno finansijsko učešće FSU u BiH za projekte u drugom krugu 2011/2012 iznosi 765.116,15 KM, finansijsko učešće iz domaćih izvora za projekte iznosi 558.371,56 KM, dok zbir svih finansijskih sredstava koja su dodijeljena za implementaciju NVO projekata u drugom krugu finansiranja iznosi 1.323.487,71 KM. Važno je napomenuti da je FSU u BiH odabrala projekte u I i II krugu, na osnovu svojih prioriteta, a koji znače jačanje socijalnog poduzetništva, „povezujuci“ socijalna davanja i samozapošljavanje.